



**JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIAL**

---

***Komunikadu Imprensa  
6 Setembru 2012***

**Arguidu ba kazu violénsia doméstika hetan pena tinan 3 kadeia suspende ba tinan 4**

Tribunál Distrital Dili kondena arguidu Fernando da Costa ba kazu violénsia doméstika tinan 3 kadeia, suspende ba tinan 4, relasiona ho krime maus tratus ba nia kónjuje kontra vítima Dominggas Eliza. Kazu ne'e akontese iha 13 Feveireiru 2012 iha Bairru Ailok laran Camea, Dili. Julgamentu lee leitura akordaun ne'e hala'o iha dia 4 Setembru 2012, iha Tribunal Distrital Dili.

Juiz Duarte Tilman representa juiz painel sira prezide julgamentu ba lee leitura akordaun, Ministériu Públiku representa husi Dr. Hipolito M. Santa no arguidu akompaña husi Dr. Manuel Lito Exposto, husi Eskritoriu Defensória Públika.

*JSMP fiar katak tribunál iha nia konviksaun rasik ba kazu ida-idak tuir nia sirkunstansia no natureza, maibé JSMP enkoraja tribunál atu evita pena suspensaun ba kazu maus-tratus atu asegura katak krime violénsia doméstika nu'udar krime públiku iha enkuadramentu legal Timor Leste nian, ,”dehan Luis Oliveira Sampaio, Diretór Ezekutivu JSMP.*

Ministériu Públiku akuza arguidu kontra artigu 154 Kódigu Penál konjuga ho Lei Kontra Violénsia Doméstika. Iha prosesu ne'e, Ministériu Públiku mós enkoraja vítima atu nafatin hato'o denunsia foun wainhira iha aktus krime ne'ebé hanesan husi arguidu.

Antes ne'e iha julgamentu produsau prova iha 22 Agostu 2012, arguidu rekoñese faktus ne'ebé Ministériu Públiku prezenta inklui deklarasaun husi lezada. Aleinde ne'e, arguidu konfesa faktus hotu ba tribunál, arrende no promete sei la konsumu tua tanbá husi tua mak provoka arguidu halo problema.

Bázeia ba akuzasaun Ministériu Públiku haktuir katak, iha 13 Feveireiru 2012, iha dezeitendementu entre arguidu ho lezada tanbá deit depois ba fan ai, arguidu uza osan ne'ebé hatan husi negosiu ai nian ba sosa tua mutin hodi hemu to lanu. Tanba ne'e mak lezada hirus, no arguidu nervozu hodi foti ai tuda iha lezada nia ibun no hetan suku pontu tolu iha hospital.

Atu hetan informasaun kle'an favor kontaktu direktamente

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883